

陳忠裕公全集

五十二冊

陳忠裕全集卷六

青浦王鴻逵用儀

婁縣莊師洛純川

編司

青浦王 昶德甫輯

青浦趙汝霖惠蒼

青浦何其偉韋人

五言古詩一

幾社稿

雜詩

娟娟露中蘭遇我若有思俯身近芬芳野草忽聞之白日流有路明星爛無期清光傷人心含懷待所私杳杳

復何樂巧笑當及時  
盛年閔幽歡紅顏誰攬持  
放情馳遠方沉蹈天然姿

歲暮雜感 四首

立冬景方晏浮雲寒無姿  
晨風翔天末狡兔橫中逵  
怨彼雪與霜紛紛侵我肌  
如何盛年子窈窕有餘悲  
旨酒徒滿樽狐白何離離  
相對不能飲令我顏色衰  
白日忽已暮春陽豈無期  
惜哉憔悴士愧此桃李枝  
燕坐還欲出黯然臨路歧

積素有盈旬三日無朝陽  
薄暮減容輝起視雁南翔  
雲物淒以惻百年常相將  
時恐哀怨多欲告言無方  
黽勉

效輕薄歡娛等悲傷情性爲我累何時當悅康高桐苦  
多音澤蘭苦多芳何如一世人是非皆茫茫  
深冬常閉戶白日翳以陰廣除生木介高館來寒禽言  
念懷所歡杳若商與參歲月自徘徊孤情日夜深豈無  
傾城色可以明我心君子樂幽素小人爲荒淫古時芙  
蓉花芳香猶至今良意信有託何用雙南金  
長夜意惻惻衾枕相因依雨雪陽禽避朔風胡馬肥念  
我同門友搖搖京洛歸發軫天津樹揚舫大江磯或畱  
承明省九伐張一作樞機羽翰共一林風塗各分飛歎  
予蓬蒿下歲暮多歎歎烈士無閒情悠悠日月非側身

天地間愧我舊裳衣何時二三子連轡揚皇威眷言繼  
往昔毋令賢者希

齊同門遺興

三首

妖狐有脂粉上帝誇香馨陰山漏霧姿巧障月與星帝  
醒白日舉何處藏其形卽今在蒙蒙日夜思雷霆

畏影而卻走疾聲乃碎缸旣卻復繁複方碎尤鏗鉤人  
言可重禁命盡難再榮豈爲克讓士汚已成人名

田夫策牛犢仙人騎鳳凰用舍必乘時宜適各有方魯  
君視管囚楚霸觀韓王愚若鷄與鶩塞默無輝光一朝  
奮大策吞聲徒困傷

寓言二首

江東有穢鳥自名爲禿鷲食魚徒滿吭毛羽終可羞其  
或所立渚鷗鷺必遠投何來一蒼鷹鐵翮黃金眸雖非  
高尚姿猶任搏擊謀不作摩天飛下集滄江流側身就  
鷲飽比翼相遨遊末流安可居貴賤各自求所以老鶴  
心傲然當高秋

魯國有腐儒行止如清狂拜虎求不嚙揖蛇求不傷二  
物頗威厲豈欲貴儀章非不執斧柯欲舉心茫茫終覺  
屈身易寧知均喪亡持肉餒猛獸弭耳來相將食盡甘  
餌見亦得充君腸所以天地閒盡產豺與狼

惜捐

嗟賢人去國也 考證宋徵璧抱真堂集惜捐詩注  
時漳浦黃石齋先生以諫言去國故有惜捐之賦

憶昔先帝時 踰隰方內訌 國柄不在握 行止如旋風 入  
阱笑麟鳳 上殿皆狐狝 宵人罵碧血 羣闖豔華蟲 逆臣  
謀益急 勢去天愈夢 天下憂默然 日月何時東 是時大  
誅賢 餘姿託轉蓬 裂衣敦稼穡 上訴求盲聾 今皇膺圖  
籙 喫嘯雲霧空 捕反不藉兵 協策鮮一忠 紫極終夜正  
煌煌 頌帝功 白首悉悲哽 大道娛清通 雖無異人出 奮  
節 猶見皇綱張 義和正當中 卽今五載餘 庶事  
傷初終 前者 難烈其後內 設茅貂璫滿 都鎮四野多  
塊埒 守臣報青孽 農夫指螭蝮 有士私憤切 陳辭發宿

蒙上言天序順下言俗態工爾作非時鳴此輩眞愚何  
胡不收羊去蠹菌汚彤宮秉鋤大歡喜高山友羆熊不  
見妄言儻榜掠成罷癘項嬰陰雨木手銅崑岡銅吁嗟  
夜魂黑蹙蹙誰爲雄射鳥莫射鳳鳳去羞梧桐擊樹莫  
擊桂桂死怨靈露東鄰有賢婦開貞棄狡童西鄰未嫁  
女感物憂忡忡其處雖異遇均抱清潔衷何人國所重  
悲傷到微躬

考證明史本紀莊烈帝卽位誅魏忠賢四年九月復命內臣王應朝鄧希詔等  
監視關寧薊鎮兵糧及各邊撫賞大監張彞憲總理戶工二部錢糧十一月太  
監李奇茂監視陝西茶馬呂直監視登島兵糧羣臣合疏諫不聽 又黃道周  
傳崇禎二年起故官進右中允三疏救故相錢龍錫降調五年正月方候補遣  
疾求去瀕行上疏帝不懌摘葛藤株連數語令具陳道周  
上言語皆刺大學士周延儒溫體仁帝益不懌斥爲民



幽人

幽靈不在晦明月誰能同出則經天衢隱亦大海中龍  
蛇春變動空谷生雄風始知雷雨夕不住蓬萊宮君來  
爲明盛光彩流虛空劍佩隨雲高平壤開華嵩世亂天  
不見掃除用靈露促促違所向翻然扶桑東山中時倚  
劍帝所或射熊素女騎紫鸞寶匣靈文紅壯心既有歸  
大道非無功咫尺宇宙外胡爲守蒿蓬

田家詩

二首

四月雨新足良苗青可憐農夫荷耒出各自求其田蓂  
笠有烟氣隴陌相覆連飛鳥或鳴樹游鱉時泳川歎息

此邨老保聚多歲年昨日邨中人買牛入鄰縣傳聞有盜賊殺戮求金錢歸來但涕泗終夜不敢眠安得守其廬鷄犬皆翩翩雖嘗被呵責官吏真聖賢

布穀先夏鳴田鼠飲濁水泯泯蚘竅通格格鷺武徒桑女蠶欲飢攜筐餉于耜夜望牽牛津不見雲電起遠邨燈火紅犬吠復不止何來有一人行趨甚雄駛入門且劇怒手探懷中紙長跪不敢讀請君命其旨上言奉上方下言供戰士難得少須臾忍看長吏褫在倉黃雀肥在野黃雀死雖然同羽翼豈不異脂髓忠臣亦可爲老農徒自恥

豐沛自暑

白日稍行西火雲猶在東炎威盛揚越旱魃爲誰雄風  
力旣已竭紈扇其何功鶴鷗曉亂鳴毒蛇遊水蒞羣物  
各棲息蚊蚋獨驕空整衣終不堪血國恣盈充偃蹇本  
小節畏客非我衷頗思翠水巖復憶蓬萊宮玄霜薦夕  
膳海綃障朝蘖自謀豈不樂傷彼蒸黎窮郊原焦若燬  
牛死人罷癘盛衰易以遷世亂如蒿蓬貴人都茫茫賤  
士徒忡忡

凌河

考證明一統志大凌河源出大寧自義州衛西六十里入境南  
流經廣寧左右屯衛盼入海小凌河源出大寧自廣寧左右屯

衛西入境合女兒河  
及哈刺河南流入海

遼東百餘城一一

卻發漁陽軍版築青海頭綢

繆緝故壘屹然

揚兵直

轉餉凌瀛洲中建

大將旗健兒雙吳鉤國家勁兵處此地無與侔要區敵  
所爭來必清秋朝廷指笑何異撼蜉蝣我城鐵不

如况復饒貔貅長圍旣蛇盤孤城遂獸呆鳴鏑馬躍濠  
負土駝填溝四門閉白日萬人無一籌擊鼓鼓不揚愁  
雲高戍樓滿城悉斂魂黯黯如荒邱外救復潰散氣奪  
層冰摯後來不傳烽出關皆逗遛相顧但歎息拔身終  
無由都尉萬矢盡左一角抽漢王豈有神事祕必可  
羞白羽同獻捷云解當宁憂朝議持未許頗見邊臣浮

退避理獲全進攘真大訖榆關爲北門寧遠爲遐陬安  
居胡不樂豈得恣他求何人與妄役坐  
蹂唐時

築受降漢代營涼州其後或淪胥未聞誅首謀寄語臨  
邊士曷勿常悠悠失地律尚輕開邊罪難酬君王不好  
大誰敢思封侯

考證明史邱禾嘉傳崇禎三年禾嘉拜右僉都御史巡撫寧遠兼轄山海關諸  
處 大清兵以二萬騎圍錦州禾嘉督諸將赴救獲全時孫承宗議築大凌城  
懼敵至四年五月命祖大壽以兵四千據其地發陞軍萬四千人築之護以石  
柱土兵萬人工垂成廷議大凌荒遠不當城撤班軍赴薊責撫鎮矯擊禾嘉懼  
盡撤防兵八月 大兵抵城下別遣一軍截錦州城中兵悉出敗還禾嘉聞之  
馳入錦州與總兵吳襄宋偉合兵赴救與 大兵遇大戰長山小凌河開九月  
望 大兵薄錦州襄偉出戰不勝監軍張春會襄偉兵過小凌河東五里築壘  
爲大凌聲援 大兵扼長山不得進禾嘉遣副將張洪謨等出戰五里莊亦不  
勝夜趨小凌河至長山接戰大敗大壽不敢出城援自此絕大凌糧盡食人馬  
大清移書招之大壽約降并設計誘錦州守將雷諸子子 大清僞逃還遂

入錦州大凌城人民商旅三萬有奇僅存三之一悉爲  
大清所有城亦被毀禾嘉尋論築城開慶罪貶二秩

北郊觀梅

我心傷春陽攜手城之陰高冢臥石馬遊女息遙溥昔  
稱賢達士鬱鬱成高林游蜂花閒來觸草爲和音感此  
渡前溪淡越恣幽尋煖葉潔肥柔氣理相浮沉芬芳放  
樊圃水木兩不任餘情給妖夢蕩渺開空淫他勝奪欣  
賞人散花愈深夜犯月露姿奇香出襦襟寒光來斟酌  
清娛猶至今

御史大夫張公撫浙時攜二鶴歸山東孕二雛

焉以爲瑞也圖以記之命予賦其事

考證浙江通志巡撫

張延登進士天啟開任案題名碑錄  
延登山東鄒平人萬曆壬辰進士

雲海浩無端白日開  
高濤老鶴凌波濤  
雙羽翻然明影落  
芙蓉池滄洲  
渺玉京氣塞頓高塘  
仙才飼牙兵瀛風  
修神騎瞻望虛遐聲  
徒存俗羈憤永保曠  
士貞玉衣隨素裝  
放志懷崢嶸芳園蕩  
禽性幽人知夜情  
傲靜濟水上橫翼  
風雲平和光動儔  
匹遠澤胎精英二  
雛鳴啾啾物小神  
矜盈日長烟霞姿  
弱翮霜華成思昔  
太古時人鳥無相  
爭機物日夜深樊  
籠何糾縈物困智  
垂盡鼓息阻芽萌  
天地已促儉區區  
思專生張公今亞  
相盛德滋雄名炳  
廣攬國綱日月在  
軒楹惠心感潔材  
清絕成符

頑安坐理天樞繚繞紅玉笙

櫻桃

夏春交麗景當時貴朱櫻攜以青絲籠玉盃秀高盛色  
若羣靺鞨照耀盤餐明美人濕纖指入口神輕清甘澁  
本同枝味亦隨時成何年媚皓齒圓的含流鶯昨歲履  
佳令倚泊平原城風沙昏乾燥頰懷烟林情旣斷婕妤  
賜不見青童擎憶昔在京口碧葉綴瑤瓊恣食千餘顆  
主人贈滿籩卽今重對汝三歎意縱橫此物歲呈豔我  
身時時更竊懼年華衰醜質羞精英

冬日同萬年少遊橫雲山李舒章園亭

案萬壽祺  
字年少注



見年譜崇禎六年李雯字舒章注見年譜崇禎二年 考證  
婁縣志橫雲山莊即明李工部逢申舊園後歸王司農鴻緒

玄冬景奄忽薄暮山蒼茫頽雲浩當野黯然天外涼石  
壁森崢嶸深澗多巖霜朱樓峙其閒窈窕松月光永夜  
宿烟霧獨鳥號山岡夢境有超越及晨滯餘傷搔首登  
高臺雲物都荒荒人影亂木杪絕磴相翱翔遐哉池上  
飲其樂不可忘名士秀萬子文苑長李郎身在林泉際  
思橫日月旁明時一握手願言保孤芳

春晝獨坐感懷

晝靜不厭長春風滿闌市荒庭蔓深草搖曳弄晴彫瘦  
桑光尙沃鄰家蠶脫紙白雲過我居殘花爛餘紫嘖嘖